

四庫全書

經部

欽定四庫全書

經部

詩集傳名物鈔卷三

詳校官監察御史_臣孫家賢

通政使司副使_臣莫瞻菴覆勘

總校官進士_臣繆琪

校對官編修_臣汪鏞

謄錄監生_臣王永年

欽定四庫全書

詩集傳名物鈔卷三

元 許謙 撰

王之一之六

變四

傳○疏漢地理志洛邑與宗周通封畿東西長南北

短相覆千里瓚案西周方八百里為方百里者六

十四東周方六百里為方百里者三十六二都方

百里者百方千里也○華胡化反太華即華山在

京兆華陰縣南外方即嵩高在潁川嵩高縣前編

外方非高高今河南府伊陽縣伊闕鎮之西陸渾山據唐志一名方山蓋古為外方春秋時秦晉遷陸渾之戎居此因名陸渾云其山固高高之聯峰然謂為高高則非爾○疏左氏傳襄王賜晉文公陽樊溫原欒茅之田晉於是始啓南陽杜預云在晉山南河北故曰南陽是未賜晉時為周畿內故知北得河陽百故應劭注漢河內郡修武縣云有南陽縣是晉所啓南陽今修武省為鎮屬懷州河

陽亦漢河內郡之縣今為孟州縣所謂漸冀州之
南也○營洛在成王七年周禮以土圭之法測土
深正日景以求地中日至之景尺有五寸謂之地
中天地之所合也四時之所交也風雨之所會也
陰陽之所和也乃建王國焉正作洛之事也深尺
鵠反又尸鵠反景與影同○前編幽王立褒人有
罪請入女子於王以贖罪是為褒姒幽王三年王
之後宮見而愛之生子伯服五年廢申后及太子

宜臼以褒姒為后伯服為太子宜臼奔申十一年
申侯與繒西夷犬戎攻幽王殺幽王驪山下虜褒
姒晉文侯鄭武公衛武公秦襄公皆以兵來救晉
鄭即申立宜臼是為平王繒慈陵反國在沂州○
戲許宜反驪山下地名○鄭譜成王欲宅洛邑使
召公先相宅既成謂之王城今河南是也召公既
相宅周公往營成周今洛陽是也東萊先生曰成
周乃東都總名河南成周之王城也洛陽成周之

下都也平王東遷之後所謂西周者豐鎬也東周者東都也威烈王之後所謂西周者河南也東周者洛陽也地理攷異王城本邾鄆在河南縣北九里自平王以下十二王皆都此城至敬王乃遷成周在洛陽縣東北二十六里赧王又居王城邾古洽反鄆而蜀反○疏風雅之作本自有體言作詩不為雅而為風非謂采得其詩乃貶為風也張逸問鄭曰平王微弱詩不復雅厲王流彘幽王滅戲

在雅何答意謂幽厲以酷虐之政被於諸侯故為
雅平桓政教不及畿外故為風○李氏黍離以下
皆平王之詩安得謂詩亡然後春秋作乎孟子蓋
謂雅頌之詩亡也

孟子所謂詩亡東遷之後王者迹熄雅頌之作
亡也先王之德西都頌之至矣可無作也政令
不能行於天下故雅亦無所為而作西都數百
年非無風也古之錄詩所以示勸戒有雅以道

天下之故則無事於采風雅既亡則取民間之
詩以紀政俗王風十篇黍離為大夫行役餘皆
民間之詩也蓋雅必出於朝廷風則在下之歌
詠古則必有其制或上可兼下下不可僭上也
是以東征之事大於玁狁之役而東山勞歸之
詩不在采薇出車之列雖出於變亦不與六月
采芑同什也於此可見風雅之體不可易置矣

黍離

王

大夫行役閔周

經

始視之謂黍之離離復視之乃稷之苗爾蓋心
迷意亂目視不精而致誤也所以行往而遲遲
者以心之搖搖而不定也又見惟欲徘徊於此
而無意於行也至於稷之穗易辨矣而亦莫辨
則憂之甚又至於成實則尤易辨而亦莫辨則
憂愈極故心如醉如嘔之辭亦愈重也此則賦
體也

傳○一章傍步光反徨胡光反

愚謂黍似梁而非梁稷今之稌也二物稍相類
但黍黃而稷黑黍小而稷大今中原皆有之朱
子解二物似差互今以傳文兩易之曰黍穀名
似稷而小穗黃色稷亦穀名一名稌苗似蘆高
丈餘穗黑色實圓重云或曰粟也四字如此恐
得其實蓋古之梁即今之粟古之粟即今之穀
粟穀實之總名說文稷五穀之長謂獨長於衆

穀也本草稷今稌也與黍同類稌音祭

三章䟽噎者咽喉蔽塞之名詩緝食室也如噎謂氣逆而如噎也

君子于役

王

大夫妻思其君子 異

經○一章箋羊牛從下牧地而來

賦而興也上三句謂君子之役無期可歸次三句則以家中目前之所睹者以起興雖則必棲于埭與桀猶人必當止於家今乃不得止息日

夕則羊牛必來猶人出有期必當歸今乃無期
可歸則思君子之心容可已乎

傳○一章畜許六反○二章杙以即反○䟽庶幸也
幾覲也庶幾者幸覲之意覲几利反

君子陽陽王前篇婦人異

經○陶釋文音遙毛義與傳同○語錄問君子陽陽
詩不作淫亂說如何曰有箇君子于役如何別將
這箇做一樣說由房只是人出入處古人屋於房

處前有壁後無壁所以通內所謂焉得諛草言樹之背蓋房之北也○箋君子祿仕在樂官招我欲使我俱在樂官也

此詩或為淫亂之辭而朱子不然者豈以執翽為舞器由教為舞位非淫者之所宜有乎然則以大夫招其妻入於舞位亦或有微礙否竊意此誠賢者仕於伶官如簡兮比鄭箋或得其說也但招我之招不必作相招祿仕爾房毛謂房

中之樂疏天子房中之樂以周南諸侯以召南

楊之水

王四

戍申之人

經○疏言甫許者以其俱為姜姓既重章以變文因借甫許以言申其實不戍甫許也六國時秦趙同為嬴姓史記漢書多謂秦為趙亦此類也○詩緝楚小於薪蒲輕於楚不流束蒲則弱之極矣

此詩也彼其之子指留國中不出戍之人而言猶莫非王事我獨賢勞之意怨辭也水本可以

載巨舟今悠揚緩流乃至不能流一束之薪以
比王本號令天下今號令不行至不能保其母
家況賦役不均而彼其之子乃安處於家不與
我同出戍思而又思何日月我得歸哉平王既
不能正王室又以畿內之民下戍於不共戴天
之讎而且賦役不均故其民怨之而言如此

傳○一章屯徒門反數色角反○三章䟽蒲柳有兩
種皮正青者曰小楊皮紅者曰大楊其葉皆長廣

於柳葉皆可以為箭榦毛云蒲草○題下施式豉

反

中谷有推

王五

婦人見棄自述

經

禮義陵遲風俗澆薄百姓失其夫夫婦婦之道
以貧而仳其妻始怨而終悔也蓋天方旱時推
草生於谷中幽陰之地者遇暵而且乾矣於是
夫豫防食之不足仳離其妻婦人乃慨然而嘆

以遇夫之艱難困厄故也脩如脯亦乾之義也
婦人嘆之不足又歎以發其憂思以不幸而遇
其夫之不善者故也久而天雨既降推之嘆者
今則濕矣是則禾黍復蘇可以有得食之望而
女之既離者不能再合雖泣而嗟嘆無及深恨
覆水之不可復收也夫之與婦固當偕老貧富
苦樂皆宜共之而不變今非有可出之罪於天
之方旱亦未見其黎民靡有孑遺之勢而輕儇

無義遽仇離之將豫置於死地宜其嘆歎涕泣而怨之深也及其旱之既解而室家之道已絕則雖嗟何及哉予以見上之人教化無素致下民無道可以觀東周之風矣詳味其辭人在言外蓋當時君子之言非婦人之所自作也

傳○一章離荏並音佳爾雅荏荏蓋草本名荏又名荏毛氏以離字代荏字故傳從之葉似荏爾雅注及詩疏皆作葉似荏今傳中荏字誤蓋離即荏不

可謂之似萑也爾雅疏臭穢草茺蔚也又名益母
茺者白蘇紫蘇類也茺昌蒿反蔚紆勿反○穀不
熟饑菜不熟饑○二章語錄淑善也三字合移在
歎矣字下感子六反對徒對反

兔爰

王

六君子不樂其生

經○惟音離叱五戈反

傳○一章難奴且反○庶幾見君子于役○二三章
爾雅繫謂之量量罫也罫謂之孛孛覆車也注今

之翻車有兩轅中施罾以捕鳥一物五名展轉相
解繫音壁罾音輟覆方六反罾古縣反

序○左氏傳桓公五年王奪鄭伯政

桓王鄭莊公

鄭伯不

朝王以蔡衛陳人伐鄭鄭伯禦之王為中軍虢公
林父將右周公黑肩將左鄭原繁高渠彌以中軍
奉公曼伯右拒祭仲足左拒戰于繻葛王卒大敗
祝聃射王中肩拒俱甫反繻音須聃他甘反射音
石中竹仲反

葛藟王民流離失所 異

經

葛藟本生於山谷丘陵在河之汭為非其所興
已之失所也

傳○一章遠見廊蝮蝮○左氏傳昭三年鄭罕虎如
晉叔向曰君若不有寡君雖朝夕辱於敝邑寡君
猜焉又二十年齊公孫青聘于衛衛亂從諸死鳥
賓將擷主人辭賓曰寡君之下臣君之牧圉也若

不獲扞外役是不有寡君也注有相親有擷祖侯
反○三章爾雅夷上洒下曰滑䟽夷上平上洒下
隋下愚謂洒猶洗也岸上面平夷而其下為水洗
蕩齧入若脣也洒蘇典反

采葛王淫奔異

傳○二章爾雅蕭萩䟽萩一名蕭今人所謂萩蒿是
也或云牛尾蒿似白蒿白葉莖麤科生多者數十
莖可作燭有香氣故祭祀以脂爇之為香許慎以

為艾蒿非也今傳作荻也誤字荻雌由反○熇如
劣反○三章艾爾雅一名冰臺注今艾蒿也○灸
紀有反

大車

王

淫奔者畏大夫

異

傳○一章毳衣以宗彝為首次藻次粉米凡三績於
衣黼黻凡二繡於裳宗彝有虎雌毛蟲也故曰毳
詩緝王之三公八命其卿六命大夫四命及其出
封皆加一等八命加一等即上公九命其未出封

則與侯伯同服公與侯伯同服則卿與子男同服

此詩所謂周大夫者上大夫卿也雖位柚壘三音

丘中有麻

王

淫婦異

經○玖見衛木瓜

愚恐嗟非其人之字特歎語爾以三章之子可見
子國則所私之人上下兩章皆異其文也

王詩譜

王詩十篇惟黍離揚之水灼知平王之詩餘皆

不知何王之世鄭從序說分為平桓莊三王未
詳是否

鄭一之七

變五

傳○鄭詩譜桓公為幽王大司徒問於史伯曰王室
多故余懼及焉何所可以逃死史伯曰其濟洛河
潁之間乎是其子男之國號鄩為大號叔恃勢鄩
仲恃險皆有驕侈怠慢之心加之以貪冒君若以
周難故寄帑與賄不敢不許是驕而貪必將背君

君以成周之衆奉辭伐罪無不克矣若克二邑鄆
蔽補丹依疇歷莘君之土也修典刑以守之可以
少固桓公從之後三年公死犬戎之難武公卒取
十邑之地右洛左濟前莘後河食溱洧焉䟽謂濟
西洛東河南潁北八國皆在四水之間鄆音檜冒
音墨帑音奴掘渠勿反

文王二弟虢仲封東虢鄭滅之即鄭之制今鄭
州滎陽縣也虢叔封西虢晉滅之今陝州是若

號州則其竟之所至也國語號叔恃勢左氏號叔死焉者仲之後也左氏號仲為王卿士者叔之後也

緇衣

鄭一

周人愛武公

傳○一章考工記三入為纁五入為緇七入為緇注
染纁者三入而成又再染以黑則為緇又復再染
以黑乃成緇說文纁淺絳也廣韻緇青赤色緇緇
尤反○朝直遙反稱昌孕反更古行反餐蘇尊反

○疏退適治事之處為私對在天子之庭為公此
私朝在天子宮內○詩緝天子皮弁以日視朝凡
朝服君與卿大夫同今天子之卿而服緇衣者蓋
既朝於天子而退治事則釋皮弁而服緇布衣以
聽其所治之政其服以緇布為冠以黑羊皮為裘
以緇布為衣而裼之其上加朝服十五升緇布為
之其裳皆素○詩記諸侯入為卿士皆受館於王
室適子之館親之也○鑿即各反粟一石得米六

斗為糲糲米一石舂為八斗為鑿糲郎達反○朱

子漢有白粲之刑給舂導之役是也○題下詩緝

孔子云於緇衣見好賢之至

孔叢子

又云好賢如緇

衣惡惡如巷伯

禮記緇衣

緇衣之詩繼綬殷勤可謂好

之至巷伯之詩欲取讒人投畀豺虎有北有吳可

謂惡之至詩之好賢惡惡多矣獨舉二詩以其至

者言之也

將仲子

鄭

淫婦

異

經

此詩詞氣類野有死麕之卒章然有畏父母諸
兄國人之言猶為善於彼也此可見理義根於
人心有終不可泯者身之陷於淫邪不能禁其
欲也有畏人之意良心之存也儻上之教化行
而下之風俗厚若此婦人豈不能修飭而以貞
信自守邪然則小民心術之微皆上之人有以
興喪之耳

傳○三章勅音刃

叔于田

鄭三

國人愛共叔

經

二章三章傳有音釋而無其說蓋與首章之意同也無飲酒服馬謂無如叔之善飲酒服馬者此詩雖段不義得衆而人愛之然詳味其辭非小人黨惡者之言蓋君子知幾者所作也終篇雖全稱美略無譏刺之辭而所美者惟田狩飲

酒之事會是蓋無足言者且公子居大都專事
驅騁田獵沈湎于酒而人心歸仰如此則將何
所不至邪禍敗之來豫知之矣

傳○一章左氏傳隱公元年初鄭武公娶于申曰武
姜生莊公及共叔段莊公寤生驚姜氏惡之愛段
欲立之請於武公公弗許及莊公即位為之請京
使居之謂之京城大叔既而大叔命西鄙北鄙貳
於已又收貳以為已邑至于廩延大叔完聚繕甲

兵具卒乘將襲鄭公伐京京叛大叔段段出奔共
共音恭大音泰

大叔于田

鄭四

同前

經○通解狩者捕禽獸以其承宗廟示不忘武備因

以為田除害鮮者何也秋取嘗也

取禽嘗祭

已祭取餘

獲陳于澤

射官也

然後卿大夫相與射命中者雖不

中取也命中者雖中不取也所以貴揖讓之取

而賤勇力之取也鄉取于國中勇力之取也今取

于澤揖讓之取也所以禮裼暴虎馘于公所○詩
緝組文五采相間手執六轡如組之文言其齊比
傳○一章衡車輓也○䟽澤水所鍾水布曰敷○袒
即禮字偏脫衣袖也䟽脫衣見體曰肉袒凡服裏
有袍襜之屬然後服表以同色之衣裼之裼上加
襲衣襲上加朝服凡獨言袒者袒去襲而露裼言
袒裼者則并袒去裼而露肉也釋音宅○二章舍
音捨拔音跋拈也矢銜弦處○覆芳福反倒也蕭

弓弣也禮疏弓頭稍剡差斜似簫故謂為簫射者
既發矢則弓隨勢傾倒直指於前以送矢弣師交
反○二章簫音同○題下大叔之大音泰

清人

鄭棄其師鄭人賦之

經○三章陶陶釋文徒報反驅馳貌今傳無音必當
讀如桃而解為樂而自適之貌則當為餘招反○
好毛鄭皆釋為容好與傳同而釋文呼報反此字
疑從傳如字讀者是

傳○一章重平聲○二章句古侯反○三章凡兵車
執弓矢者在左主五兵者在右御者在中唯將車
則鼓懸車中而將立鼓下御者在左車右在右○
題下春秋閔公二年鄭棄其師左氏傳鄭人惡高
克使帥師于河上久而弗召師潰而歸高克奔陳
詩䟽是時狄侵衛衛在河北鄭在河南恐其渡河
侵鄭故禦之

羔裘

鄭六

美大夫 異

傳○一章侯美也釋文韓詩訓○卒章英見召南羔

羊

遵大路

鄭七

淫婦為人所棄 異

經○二章好釋文一如字一音呼報反傳無音而訓
為情好當從呼報音

傳○一章擘與攬同撮持也○䟽喪服云袂屬幅袂
尺二寸則袂是袂之本袂為袂之末○惡烏路反
說音悅○二章家說毛注翫棄也䟽不得其說遂

曰醜與醜同醜惡可棄之物故傳以為棄案說文
黻棄也引詩此句則不假醜義矣黻即醜字

女曰鷄鳴

鄭

詩人述賢夫婦 異

傳○一章周禮司弓矢矰矢矰矢用諸弋射注疏結
繳於矢謂之矰繳繩也矰高也言矰高者取向上
射飛鳥之義矰之言矰也以弋飛鳥矰羅之謂結
繳以羅取而刺殺之也說文繳生絲縷蓋用生絲
為繩也韻會刺斷也斫也矰音增矰扶弗反繳章

略反刺字勿反○昵尼質反二章中也之中陟仲
反為去聲○三章珩瑀琚璜音行禹居黃嬪部田
反蚌之別名○內則子事父母左右佩用左佩紛
帨刀礪小觶金燧右佩玦捍管籥大觶木燧注疏
紛帨拭物巾刀礪小刀及礪礬小觶解小結之觶
貌如錐以象骨為之金燧可取火於日玦當作決
以象骨為之著於右手大指所以鈎弦開體捍謂
拾也以皮為之著於左臂以遂弦管筆彊也籥刀

鞞也木燧鑽火也晴則取火於日陰則鑽火又婦
事舅姑左佩紛帨刀礪小觶金燧右佩箴管線續
施繫袞大觶木燧注疏繫小囊也袞刺也以針刺
袞而為繫囊故云繫袞餘物不言施獨于針管線
續之下而言施繫袞明為四物施也帨始銳反礪
力制反觶許規反捍戶旦反遡時世反礪力工反
著知略反彊苦侯反鞞必頂反繫步干反袞陳乙
反刺七亦反為于偽反○遺于醉反

有女同車

鄭九

淫奔

異

經○子金子遠望之則有女同車顏如舜華近視之

則將翱將翔佩玉瓊琚問其人則孟姜也信美且都矣此蓋淫人睥睨之詩

山有扶蘇

鄭十

淫女戲所私

異

經

此詩恐是淫女見絕於男子而復私於人乃思絕者之美好而厭所私者之狂狡也或曰有女

同車男戲女山有扶蘇女戲男其男子之言曰
有女與我同車同行者貌如舜華舜英我將之
以翱翔佩玉固若美矣然豈如彼美孟姜容貌
則洵美且都語言則使人不忘哉同車者則所
與淫之女孟姜則戲設之辭也女則以山有扶
蘇答之如傳意

傳○一章扶蘇扶胥小木毛傳文疏謂未詳所出○
一章爾雅紅龍古其大者歸疏紅名龍古大者名

歸一名馬藜葉大而赤白色餘同傳歸丘軌反○

獐古外反

擗兮

鄭十淫女異

經○子金子擗木葉之將落者風吹則落矣以見人生之易老故欲且與之相樂也今案此說則當為

比體

狡童

鄭十淫女見絕而戲其人異

經

恐此為淫女見絕於人而思其人之詞言既與
我絕為思子之故使我不能餐息正言而怨之

也

褰裳

鄭十

淫女語所私 異

經○二章洧于軌反

傳○一章地理攷異郡縣志漆水源出鄭州新鄭縣

西北三十里平地○二章漢地志潁川郡陽城縣

陽城山洧水所出東南至長平入潁水經洧水過

新鄭縣南潯水從西北來注之潯漆同

丰

鄭十

淫女悔不奔異

傳○一章箋有面貌丰丰然豐滿者待我於巷中疏
巷是門外之道○三章箋褻以禪縠為之詳見衛
碩人○疏婦人之服不殊裳而經衣裳異文者以
詩須韻句故別言之耳其實婦人之服衣裳俱用
錦皆有褻故互言之

東門之墀

鄭十五

淫者

經

此男女相倡和之辭其事則始相為亂久而復
會其道前日之邪思也一章男道女所居之地
曰東門有墀墀之外阪上有茹蘆之草其地即
女之居也於此而望之室則邇矣不得見其人
而甚遠也二章則女自道所居之地曰東門有
栗之所行列之家室即我居也我豈不爾思乎
但子不就我而不得見爾朱子謂刺詩雖有鋪

陳其事不加一辭者而賦之之人常在所賦之外凡若其自言者則淫邪之人所自賦也嘗於桑中之序論之是固然矣然以後世觀之為於放淫之辭深能道狎邪之情狀者未必皆其所自作亦當時善為詞章而深知風俗者為之但決非意誠心正之君子而其言不可以為訓廼若勸而非刺者故不足道爾人情不大相遠也何古之邪亂者多長於言今之邪亂者多不能

為之乎故愚於東門之墀以為詩人道其男女
倡和淫邪之言而成之非其自作者也愚觀詩
此類亦多非獨此篇亦非獨淫邪之詩為然也

傳○一章除地除草也町吐鼎反町町平意菟所留

反菑倉甸反○爾雅陂者曰阪注陂陀不平之貌

陂陀音坡駝○識音志○二章行戶郎反

風雨

六鄭

淫奔之女見所期之人而悅 異

經

小序以為亂世思君子亦通但不必以雞鳴喻
君子之不變蓋雞專取其夜將旦司晨之鳴常
在昏暗之時不專取日中之鳴也風雨如晦正
不足以取喻蓋此詩非興體乃比體也喈喈膠
膠不已皆雞聲紛雜之意風雨比時之昏雞鳴
比政之亂儻於此時得見君子以為政則國事
安得不平民疾安得不瘳人心安得不喜哉

序○佻他凋反

子衿

鄭十

淫奔

異

傳○一章純至尹反緣于綃反○疏衿與襟同交領也○二章綬玉藻注所以貫佩玉相承受者也組綬一物也○毛氏士佩瑀珉而青組綬疏玉藻士佩瑀玟而緼組綬此云青組綬蓋讀禮記本與鄭異瑀而究反石次玉珉玟同眉貧反石似玉而非緼音溫赤黃色○二章疏爾雅觀謂之闕謂宮門雙闕此言城闕謂城之上別有高闕非宮闕也○

儼許緣反

揚之水

鄭十

淫者相謂 異

經○一章楚見周南漢廣傳

鄭君兄弟爭國日尋干戈民皆化之骨肉相怨
有兄弟之知義者人又從而誑惑離間之於是
則自勸而作此詩言悠揚之水不能流一束之
楚以興宗族微弱不足以禦外患況我兄弟終
少惟予二人而已他人離間之言乃誠無實而

廷女決不可信苟如此則骨肉猶可以自相保
也此雖兄弟自保之辭亦足以風諫其上

出其東門

鄭十九

君子見淫奔者而作 異

傳○一章疏縞細縐色白綦青而微白為艾草色○

二章荼毛云英荼箋茅秀疏茅草秀出之穗

序○五爭事見春秋傳桓十一年初祭仲為莊公娶

鄧曼生昭公故祭仲立之宋雍氏女於鄭莊公生

厲公故宋人誘祭仲而執之祭仲與宋人盟以厲

公歸而立之昭公奔衛是一爭也十五年祭仲專
鄭伯使雍糾殺之仲殺雍糾厲公奔蔡昭公復入
是二爭也十七年高渠彌弑昭公而立公子亯是
三爭也十八年齊人殺子亯輟高渠彌祭仲立公
子儀是四爭也莊十四年厲公自櫟侵鄭傅瑕殺
子儀納厲公是五爭也女尼據反

野有蔓草鄭二男女相遇 異

溱洧鄭二淫奔自叙 異

經○一章勻時灼反

傳○一章本草澤蘭及蘭草注云澤蘭生水澤中及
下濕地苗高二三尺莖幹方青紫色作四稜葉生
相對如薄荷微香葉尖有毛不光潤花帶紫白色
萼亦紫色蘭草大抵相類葉光潤尖長有岐花紅
白色而香生水傍又曰澤蘭方莖蘭圓莖○本草
芍藥注春生紅芽作叢莖上三枝五葉似牡丹而
狹長高一二尺夏開花有紅白紫數種古今注將

離相別贈以芍藥芍藥一名可離故相贈○詩記
蘭即今之蘭勺藥即今之芍藥陸璣必指為他物
蓋泥毛公香草之言必欲求香於柯葉置其花而
不論爾○通典周制春官女巫掌歲時祓除釁浴
歲時祓除如今三月上巳如水上
之類釁浴謂以香薰草藥沐浴之韓詩曰鄭國之
俗三月上巳之日溱洧水上招魂續魄秉蘭草祓
除不祥蔡邕曰今三月上巳祓於水濱蓋出此凡言祓者社也以為
祈介社也後漢三月上巳官民皆潔於東流水上

曰洗濯袂除去宿垢疾為大潔

潔者言陽氣布暢萬物託出始潔之

矣袂者潔也言自潔濯也○上注字皆通典

沈約宋書魏已後但用三

日不復用已袂數勿反疾丑刃反○鄭篇下衛淫

奔之詩匏有苦葉靜女新臺牆有茨桑中鶉之奔

奔蝮蝮氓木瓜九篇鄭淫奔之詩將仲子遵大路

山有扶蘇擗兮狡童褰裳丰風雨子衿有女同車

東門之墀揚之水野有蔓草漆洧十四篇自將仲

子至子衿九篇皆女惑男之語

愚竊謂風雨為思君子之詩揚之水

謂兄弟相
保之詩

鄭詩譜

鄭桓公友初封三十六年為犬戎所殺子武公
掘突立二十七年卒子莊公寤生立四十三年
卒太子忽立是為昭公宋劫祭仲立莊公子突
是為厲公四年出奔祭仲迎昭公入厲公居櫟
二年高渠彌弑昭公立昭公弟子亶元年齊襄
公殺子亶而祭仲立昭公弟子儀

史記曰
子嬰

十四

年厲公自櫟侵鄭傅瑕弑子儀而公入七年卒
子文公躋立四十五年卒鄭詩二十一篇可譜
者四篇自武公至文公七君其間凡一百四十
三年可見者三君耳餘不可知也

緇衣

右武一詩

叔于田

大叔于田

右莊二詩

清人

右文一詩

齊一之八

變六

傳○疏左傳齊晏子曰昔爽鳩氏始居此地

爽鳩氏少皞氏

司寇季荊因之

虞夏諸侯

有逢伯陵因之

殷諸侯

蒲姑氏因

之

即周公所滅者太公封齊未得其地後兼有之

而後太公因之世家云

呂尚之先為四岳佐禹平水土有功封於呂姓姜

氏尚隱於渭陽西伯獵而遇之曰吾先君太公望

子久矣故號之曰太公望載與俱歸立為太師武
王平商封於齊都營丘爾雅水出其左營丘注疏
齊郡臨淄縣淄水過其南及東而城內有丘即營
丘也薊實側反○東至于海北至于無棣索隱曰
淮南有故穆陵門是楚之境無棣在遼西孤竹服
虔以為太公受封境界所至不然也蓋言其征伐
所至之域

雞鳴

齊

一言古賢妃諷今

經○三章薨薨見周南螽斯傳

古者太師奏雞鳴則君起臣朝君辨色而入君
日出而視朝此詩蓋國君昏惰夫人賢明相警
早出視朝之言不必為陳古刺今之作一章夫
人謂雞既鳴則君當起之時卿大夫之入朝者
亦且盈庭矣然匪維雞之鳴亦有蠅飛之聲矣
蓋蠅飛則天明所以速之也二章國君謂視朝
之法東方明矣則朝乃昌盛矣今之明非東方

之明乃月之光耳此昏惰之言所以拒前章夫人之意也三章夫人又言曰雖天明而羣蟲飛後豈不願與子同夢然禮不可違豈可肆其情乎況今早起會朝頃刻亦且歸則大夫退後猶可為宮中之宴樂今幸毋遲出無以予之故使子為人所憎也此詩之辭則宮中之史敘述君與夫人之言以成之也

還

齊

獵者相譽

經○箋謂我僂譽之也譽之者以報前言還也譽音
餘○詩緝子之還揖我謂我僂以子之能尚且見
推此自矜於其黨以氣陵之之辭○詩記齊以遊
畋成俗詩人載其馳驅而相遇也意氣飛動鬱鬱
見於眉睫之間染其神者深矣夫豈一朝一夕所
能及哉

傳○三章爾雅并疏牡名獐牝名狼其子名獾絕有
力名迅迅疾也狼鳴能大能小善為小兒啼聲以

誘人去數十步其猛健者雖善用兵者不能免糶
音歡徽音亦

著

齊三

不親迎詩人設女子言

傳○一章疏門屏之間謂之宁謂正門內兩塾間人
君視朝所宁立處著與宁音義同○纊音曠瑱土
甸反統都覽反○疏統用雜綵線織為之箋君五
色臣三色疏謂色無正文以經素青黃故曰臣三
色人君位尊備物當具五色○詩記昏禮壻往婦

家親迎既奠雁御輪壻乃先歸俟于門外婦至壻揖以入及寢門揖入升自西階齊人既不親迎故但行婦至壻家之禮俟於著所謂壻俟於門外婦至壻揖婦以入之時俟於庭庭在大門之內寢門之外所謂及寢門揖入之時俟於堂升階後至堂所謂升自西階之時也壻導婦入故於著於庭於堂每節皆俟之○二章道音導

東方之日

齊淫奔

異

經

此詩蓋賦體女子有早奔從男子而莫歸者故
其人直述其事如此

東方未明

齊五

詩人刺興居無節號令不時

經

人君勤則國治惰則政昏固其理也未日出而
視朝可以言勤乎而曰不夙則莫真可見興居
無節號令不時者矣然視朝之早若無大過者

而其臣遽已怨悻興刺何歟蓋天下之道中而止聖人制禮因人心之所同然未有不由乎中也夫人之所自為不必能合乎中而見人之失中則未有不能言者況為人上者可不謹乎雞鳴視朝之晚此詩視朝之早皆不能中聖人於齊並存之豈無意哉君子讀詩以自警則於應事必求合於中使無可議則善矣豈特居人君之位而於視朝之一事為然哉

傳○一章朝直遙反別必列反

序○周禮注縣壺以為漏疏謂懸壺於上以水沃之
水漏下入器中以沒箭刻為準法縣與懸同

詩意但言興居無節號令不時而無明刺挈壺
氏之語故傳亦無挈壺之意而於序下言之若
果刺挈壺氏則三章是也

南山

齊

刺齊襄公魯桓公

經○蕩徒黨反

傳○一章魯桓公名軌一名允隱公弟○箋魯桓公夫人襄公素與淫通○二章士喪禮夏葛屨冬皮屨天官屨人有屨有舄有命屨功屨散屨注其色有纁黃白黑複下曰舄禪下曰屨下謂底複重也禪音單○禮書二組屬於笄順頤而下結之謂之纓纓之垂者謂之綏○三章詩緝齊民要術云種麻欲得良田耕不厭熟縱橫七遍以上則麻生無葉衡從其畝蓋古法也○題下繻音需濼盧篤反

又音洛謫音責乘繩證反又如字

甫田

齊七

君子戒訓時人 異

經○三章突釋文土活反又土納反卒相見謂之突
韻中又作陀骨反犬從穴中暫出也○詩記苟由
其道而循其序則小者俄而大微者俄而著厥德
修罔覺非計功求獲者所能與也

傳○一章無田之田與佃同音電○爾雅翼莠草似
稷無實今之狗尾也戰國策幽莠之幼也似木○

張之亮反王于況反○二章毛訓桀桀猶驕驕釋
文桀居竭反今傳用毛訓則桀字當從陸音○三
章強其大反

虛令

齊

譽獵者

異

經○一章美仁當與鄭叔于田同

敝笥

齊

九刺魯莊公不能防閑文姜

傳○一章說文笥曲竹捕魚○魴見周南汝墳○疏

孔叢子云衛人釣於河得鰈魚其大盈車子思問

曰如何得之對曰吾下釣垂一魴之餌鰈過而不
視又以豚之半鰈則吞矣是鰈為大魚也詩緝魴
鰈皆中魚則鰈亦中魚也衛人所釣偶得大者以
為大而詭之此詩配魴鰈言之不必便是大者○
二章鰈字書皆似呂反今傳從釋文作才呂反是
類隔切當從韻讀如叙○疏鰈之頭尤大而肥者
徐州人謂之鰈或謂之鰈詩緝今鰈鰈相似而小
別鰈頭小鰈頭大鰈音連鰈與恭常容二反○詩

記如雲如雨言從之者衆也許穆夫人思歸唁其
兄弟許人尤之終以義不得而止若魯君剛而有
制使魯人無肯從者如許人焉則文姜雖欲適齊
尚可得乎○題下襍諸若反齊地祝丘防皆魯地
穀齊地

載驅

齊

刺文姜

傳○一章疏簟字從竹用竹為席其文必方故云方
文席竹革同飾後戶為車之蔽○三章詩緝汶水

有二許氏以為出琅邪朱虛縣東大山東至安丘
入濰桑欽以為出泰山萊蕪縣原山西南入濟曾
氏入濟者徐州之汶也入濰者青州之汶也今臨
清新開馬之貞記汶水東出原山西流過萊蕪奉
高汶陽之南剛城之北又西至龍山南分為四派
其南河至陽城南梁山東匯為大澤其一過壽良
北其一經郕亭南其北曰坎河同流至壽張安民
亭與北濟合凡東蒙徂徠之陰岱嶽之陽諸山溪

澗之水皆濫於汶魯之大川也此蓋專言魯竟之

汶濫徂紅反卹厚候二音

倚嗟

齊十

刺魯莊不能防閑文姜

經○詩緝文姜之事齊襄大惡也詩皆歸咎於它人
蓋不忍斥言其君之惡者齊臣子之情也○一章

蹠七羊反

傳○一章詩緝抑若揚若猶而也言進退高下不失
其宜○二章通釋朱子今案周禮梓人有皮侯采

侯獸侯其曰張皮侯而棲鵠者天子大射三侯用
虎熊豹皮飾侯之側而畫以五采之雲氣號曰皮
侯而又各以其皮為鵠綴之中央三分其侯之一
似鳥之棲故謂之棲鵠其曰五采之侯者賓射之
侯也正之方外如鵠亦三分其侯而居一中二尺
畫朱其外次白次蒼次黃次黑充其尺寸使大如
鵠而亦畫其側為五采雲氣三正之侯則去玄黃
二正之侯則去青白直以朱綠也射義注所謂畫

布曰正棲皮曰鵠是也其曰獸侯則燕射之侯此
記所謂天子熊侯白質諸侯麋侯赤質大夫布侯
畫以虎豹士布侯畫以鹿豕者是也蓋皆用布而
皆畫獸頭於正鵠之處故名獸侯且天子諸侯則
以白土赤土塗其布以為質士則用布而不塗其
側所畫雲氣采色之數則亦如采侯之差等也鵠
古毒反○禮書侯制凡侯道天子虎九十弓
弓六尺
熊七十弓豹五十弓弓二寸以為侯中倍中以為

躬躬身也謂中之上下幅

倍躬以為左右舌下舌半上舌

左右

出於躬者

九十弓者五十四丈其中方丈八尺七十弓

者四十二丈其中方丈四尺五十弓者三十丈其中方十尺五十弓者其中方十尺則上躬下躬各二丈上左右舌四丈而出躬各一丈下左右舌三大而出躬各五尺綱以持舌上綱與下綱各出舌一尋而繫於植故五十弓之侯用布十六丈七十弓之侯布二十五丈二尺九十弓之侯布三十六

丈

凡布幅廣二尺二寸兩畔各削一寸為縫則幅止二尺

畿外諸侯以熊侯

繆侯豳侯為三侯其數上同于天子○三章左氏

傳莊公十年齊桓公宋閔公伐魯戰于乘丘公以

金僕姑射南宮長萬金僕姑矢名長萬宋大夫乘

去聲長上聲

齊詩譜

齊自太公十二世至襄公諸兒在位十二年齊

詩十一篇唯南山敝笥載驅倚嗟四篇為襄公

詩餘不可攷○南山敝笥載驅猗嗟四詩皆為
文姜而作竊疑有魯人之辭焉猗嗟有曰展我
甥兮固齊詩也南山前二章刺齊襄後二章刺
魯桓蓋已難定為何國之詩矣至於敝笥不能
制魚專比魯莊不能制文姜齊子歸止亦自此
以往之辭載驅之魯道有蕩亦据魯而言也意
者二篇實魯詩聖人諱其惡故附之於齊是以
魯無變風惟存四頌於後雖曰美魯君實亦著

其僭矣春秋卒它國之君於魯則書公薨之意

一也

魏一之九

變七

傳○書蔡氏傳雷首冀州山地志在河東郡蒲坂縣
南今河中府河東縣也析城亦冀州山地志在河
東郡濩澤縣西今澤州陽城縣山峰四面如城坂
甫遠反濩烏號反○枕之鳩反解下買反○詩記
水經注故魏國城南西並去大河可二十餘里北

去首山十餘里處河山之間土地迫隘故魏風著
十畝之詩○嘗攷漢地理志汾水出太原郡汾陽
縣北山西至汾陰入河汾陰蓋河東之縣也通典
汾陽即嵐州宜芳縣汾陰即萬泉縣隸河中府○
詩緝魏晉皆有儉嗇之風然其詩若作在獻公并
吞以後則其俗漸已荒侈此詩每刺勤儉知其
未并於晉以前也○行戶郎反

葛屨

魏

刺儉

傳○一章繚音遼見音現○二章摘它狄反

汾沮洳

魏

刺儉

經○汾扶云反沮子豫反洳如豫反○子金子此詩

無義興也

公路公行公族大夫也采莫采桑采蕢細民之事也大夫而為細民之事是急於利而用心褊也彼其之子雖美奈奪民之利何此其所以興刺也此則賦也

傳○一章疏莫莖大如箸赤節節一葉似柳葉厚而
長有毛刺今人縑以取繭緒其味酢而滑始生可
以為羹又可生食五方通謂之酸迷冀州謂之乾
絳河汾間謂之莫○二章史記扁鵲姓秦名越人
遇長桑君曰我有禁方欲傳與公乃出其懷中藥
予扁鵲飲是以上池之水三十日當知物矣扁鵲
飲藥三十日視見垣一方人視病盡見五藏癥結
索隱曰方猶邊也言能隔牆見彼邊之人○三章

疏薺一名牛脣如續斷寸寸有節拔之可復生葉
如車前味亦相似葛音昔○疏左傳宣二年晉成
公立宦卿之適以為公族又宦其庶子為公行適
都歷反

園有桃

魏

憂國小無政

經

此無義興也園有桃則其實之殫矣心之憂則
歌且謠矣不我知者見我之歌謠則以為傲世

陵物也於是荅之曰彼為政者之所行果為是乎子所言何為如此也是則我心之憂矣誰復能知之乎然初不難知其莫知者以不思耳

傳○一章疏謠既徒歌則歌不徒矣故毛傳曰曲合樂曰歌樂則琴瑟也行葦傳歌者合於琴瑟歌謠對文如此散則歌為總名未必合樂也

陟岵魏四孝子行役念親

傳○岵岵傳訓從毛而爾雅釋山云多草木岵無草

木屺說文岵山有草木也屺山無草木也疏以為
毛傳寫誤李氏初曰陟岵以草木蔽障害於瞻望
故中曰陟屺以屺瞻望有所不見故卒曰陟岡蓋
所思漸極則所登漸高期於瞻望可及也

十畝之間

魏五

賢者不樂仕於危國 異

傳○一章釋文還本作旋恐不必叶若如本字讀則
閑亦不必叶○張子周制國郭之外有聽為場圃
之地者疑家授十畝以毓草木詩記政使周制果

家賦園廛十畝魏既小豈容尚守古法況詩所謂
十畝者特甚言之爾未可為定數也李氏詩中言
多則曰則百斯男言少則曰靡有孑遺言廣則曰
日辟國百里言窄則曰一葦杭之十畝亦此類

伐檀

魏六

詩人美君子不素食 異

經○一章釋文貍貉子也貉戶各反○三章潛見王

葛藟傳

傳以詩人見君子伐檀欲以自給乃寘河干而

不用欲自食其力而不可得而又述君子之志
謂不耕獵則不可得禾獸可見其守義厲志於
是自贊之曰彼君子是不素餐者惟末兩句為
詩人之言爾愚竊以為此詩人之所自道也蓋
首三句比也言伐檀木將以為輻輪而車所以
行陸者也今乃寘之河濱河水之清將何所用
車乎以比己之勤勞於事乃屏棄不用也小人
在位悠悠逸豫無功受祿而貪得無厭於是乃

問之曰爾不稼穡不狩獵而禾獸之多如此乃
正言之曰彼君子者則必有功而後食不素食
其祿也然則此雖刺貪鄙之小人而朝廷舉措
失宜必致禍亂大可見矣子金子曰自叙之詩
不敢自以為君子故美他人之不素餐者

傳○一章莊子大宗師子桑戶孟子反子琴張三人
相與友子桑戶死鼓瑟相和而歌曰嗟來桑戶乎
而已反其真而我猶為人猗○後漢徐穉字孺子

豫章人家貧常自耕稼非其力不食○二章秉把也○三章鷓鴣鳥含反○疏飡水澆飯

碩鼠

魏七

民困貪殘

經○一章貫毛訓事故作古亂反今傳訓習當作古患反

詩人欲適彼樂土固畏從政者之貪殘而欲去然亦未知所去者何土下言樂土樂土猶是意望料想之辭得樂土而居之其得我所乎次言

得樂國而居其得我養生之直道乎上二章食
黍食麥固可見其貪殘至於苗而未秀者亦已
食之則其貪虐尤甚所以其民尤急於去也樂
土樂國猶有其所欲去之急則邑外之郊亦姑
往之惟欲出此境也然樂郊樂郊又將長號於
誰使之拯我乎可見其民窮蹙之甚進退無據
不聊其生國其可久存哉逝發語辭

傳○一章詩緝陸璣疏今河東有大鼠能人立交前

兩脚於頸上跳舞善鳴食人禾苗人逐則走入樹
空中有五技或謂之雀鼠魏國今河東縣宜謂此

鼠也

五技能飛不能上屋能游不能渡谷能緣木不能窮木能走不能先人能穴不能覆身

爾雅字作鼯

唐一之十

變八

傳○詩緝堯都有四地理志太原晉陽

太原郡晉陽縣

注云

故唐國晉水所出一也河東平陽

河東郡平陽縣

注云堯

都也在平河之陽二也中山唐縣

中山國

張晏注云

堯為唐侯國於此三也河東彘縣順帝改曰永安
臣瓚於晉陽下注云所謂唐今河東永安是也去
晉四百里師古云瓚說是也四也詩之唐國其說
有三詩譜以為堯始居晉陽後乃遷平陽於詩唐
國為晉陽皇甫謐以為始封於中山唐縣後徙晉
陽及為天子都平陽於詩唐國為平陽臣瓚又以
唐國為永安今考堯都雖有四而詩之唐國當從
詩譜為晉陽蓋成王封叔虞於堯之故墟曰唐侯

其子燮以晉水所出改為晉陽晉陽實晉水所出
則唐叔虞之始封在晉陽矣唐以堯得名晉以水
得名其地一也○前編太行在今懷州之北連亘
數州為河北脊以接恒岳程子謂太行山千里片
石衆山皆石山起峰爾恒山北岳在今定州之北
太行在今太原府榆次縣高平曰原河東視天下
最高率多山險但榆次縣與平定軍諸處為高平
爾太岳今晉州霍邑縣霍太山也

蟋蟀唐國人相勸異

經○蟋斯粟反蟀所律反

傳○一章疏蟋蟀一名蜚一名蜻蛚楚謂之王孫幽
州謂之促織蜚俱勇反蜻子盈反蛚力結反○疏
遂者從始嚮末之言○務間乎艱反舍音捨○三
章春官巾車庶人乘役車注方箱可載任器以供
役詩疏收納禾稼亦用此車

山有樞唐二荅前篇異

傳○一章莖田結反爾雅疏刺榆其針刺如柘其葉
如榆為茹美於白榆○詩緝榆有十餘種葉皆相
似皮及理異此榆蓋總言榆爾不知專指何榆也
爾雅榆白粉孫炎云榆白者名粉毛於東門之粉
以粉為白榆是也粉乃榆之白者榆非白粉也
疏走馬謂之馳策馬謂之驅

愚謂此詩固欲廣前詩人之意而寬其憂也蓋
蟋蟀以為不可不樂而又不可過於樂不特思

其職之所居而又豫防事變憂患之不測其憂
固已深矣然其勤儉自守思患豫防其言猶可
制而此詩所思又在身後且究其死矣之言又
若朝不謀夕者故曰憂愈深而言愈感也

二章疏栲生山中似栲因名山栲亦類漆樹俗語
樵栲栲漆相似如一又陸璣云山栲與下田栲無
異葉似差狹吳人以其葉為茗方俗無名此為栲
者似誤今所云為栲者葉如櫟木皮厚數寸可為

車輻或謂之栲櫟音椿與枕同栲救居反櫟音歷櫟音億爾雅注疏二月中葉疏華如練而細葉正白名曰萬歲或謂之牛筋葉新生可飼牛筋音斤

揚之水

唐

國人將歸沃

經○左氏傳史記晉穆侯之太子曰仇其弟曰成師穆侯卒後四年仇立是為文侯卒子昭侯立封叔父成師於曲沃師服諫曰吾聞國家之立也本大

而末小是以能固故天子建國諸侯立家今晉甸
侯也而建國本既弱矣其能久乎成師是為桓叔
後七年晉大臣潘父弑昭侯而迎桓叔晉人敗桓
叔立孝侯誅潘父後六十年桓叔之孫武公終并
晉國○詩緝子者設言欲叛之人如潘父之徒君
子謂桓叔言今子欲奉此服於桓叔我將從子往
沃以見之則如何不樂乎謂從之則可免禍而無
憂也時沃有篡國之謀潘父將為內應而昭公不

知此詩正發其謀以警昭公也至於我聞有命又以見禍至甚迫而不敢以告人乃反辭以見意若真欲從沃則是潘父之黨必不作此以泄其事且自取敗也自桓叔至武公屢得志矣而晉人終不服相與攻而去之其後更六世六七十載迫於王命而後不敢不聽在昭公時晉人豈從沃哉若助桓叔而匿其情則此詩不作可也

傳○一章鑿鑿毛氏鮮明貌李氏如染食不鑿之鑿

○纓鉏咸反純之尹反○詩緝素絲也以素為衣
謂中衣也中衣者朝服祭服之裏衣也大夫以上
祭服中衣用素也曰朱朱緣也謂染緇為赤色為
中衣之緣曰褊領也謂繡黼領也繡刺白黑文以
褊領也玉藻云以帛裏布非禮也注云中外宜相
稱也冕服絲衣也中衣用素皮弁服朝服玄端麻
衣也中衣用布又疏云凡服先以明衣親身次加
中衣冬則次加裘裘上加裼衣裼衣上加朝服中

衣其制如深衣但中衣之袖稍長耳此以素為衣
是以素絲為之謂冕及爵弁之中衣也朝燕之中
衣皆以布為之蓋朝服以布為也公之孤及天子
大夫四命皆爵弁自祭大夫士助祭於君亦服爵
弁以上則中衣亦用素但不得用朱襮也郊特牲
繡黼丹朱中衣大夫之僭禮也大夫僭知諸侯當
服之也襜音偃○疏地理志河東聞喜縣故曲沃
也

解

今隸
州

○三章左氏傳齊景公無嫡子鬻似之子

荼嬖哀五年公疾使國惠子高昭子立荼諸公子
出奔陽生奔魯六年陳乞攻敗高國使召陽生八
月夜至於齊國人知之十月立之是為悼公注國
人知而不言言陳氏得衆

椒聊唐四不知所指序言沃

經○一章子金子陳與可云序謂沃蕃衍盛大此誤
看詩句椒謂晉也彼其之子沃也聊粗略之意以
椒之粗略蕃衍不過盈升而彼沃則碩大無朋則

此之椒聊豈能遠長哉今案此當為比體○李氏
本草古升上徑寸下徑六分深八分則升小於菊
漢志千二百黍為龠蓋龠為合十合為升則升大
於菊陸農師謂兩手為菊兩菊為升先曰升後曰
菊互相備

傳○一章比毗至反

綢繆

唐五

詩人敘昏姻夫婦之辭 異

經○箋三星在天三月末四月中在隅四月末五月

中在戶五月末六月中

仲春會男女禮也今過時之人自謂昏姻之道
失矣而忽得遂此所以樂也詩上四句皆詩人
述夫婦之言下二句皆詩人自道其夫婦之喜
此蓋於六月之時成昏而作詩者歷敘自仲春
以後失時漸久以至於今也今夕何夕同一時
見此者同一夫婦而上二句追敘其失時也子
兮子兮首章指女卒章指男二章則兩指之也

傳○一章繆芒侯反類隔切今改莫彪反○心星東方蒼龍七宿之第五星○三章李氏國語雖曰女三為粲而又曰粲美物也是言美女也

杖杜

唐六

無兄弟而求助

異

經○杖徒細反○詩記豈無他人不如我同父言他人之不足恃嗟行之人胡不比焉人無兄弟胡不飲焉言苟以他人為可恃則彼行道之人胡不自相親比也凡人無兄弟者胡不外求飲助也蓋深

曉以行道之人必不相親比苟非兄弟必不相欣助信乎豈無他人不如我同父也

此詩亦因晉沃骨肉相爭致使民之兄弟欲相棄背而知理者自相戒之辭與鄭風揚之水相類前三句以朱子之意求之後六句以東萊之意求之恐得此詩之旨

傳○一章疏赤者為杜白者為棠陸璣赤棠與白棠同爾但子有赤白美惡子白色為白棠甘棠也少

酢滑美亦棠子澀而酢無味亦棠木理韌亦可作
弓幹酢七故反韌音仞

羔裘唐七不知所謂 異

經○羔裘豹祛見鄭羔裘傳 子金子婦人留所愛
之詞也羔裘豹祛謂其人也自我人居居留其人
也豈無他人維子之故二句可見

傳○疏袂是袖之大名祛是袖頭之小稱

鵠羽唐八民從征役不得養父母

經○鵠音保蓺魚祭反○稷黍見王黍離

傳○一章疏鵠連蹄性不樹止樹止則為苦韻會虎
文俗呼為獨豹○疏柞櫟徐州謂為杼或謂栲也
柞疾各反櫟郎狄反杼食汝反○疏不攻緻謂不
攻牢不堅緻也愚謂君子以王事不可不攻牢堅
緻故盡心竭力在外而不能蓺黍稷也緻直利反
三章埤雅鵠性羣居如雁自然而有行列本草
梁有青梁黃梁白梁皆粟類也種蔣多白梁青黃

稀青粱穗有毛粒青米亦微青而細於黃白粱也黃粱穗大毛長穀米俱粗於白粱白粱穗大毛多而長穀粗扁長不似粟圓也

序○朱子曰昭公七年潘父弑昭公而納桓叔不克

晉人立昭公之子平是為孝侯^{一世}八年曲沃桓叔

卒子鯀立是為莊伯十五年莊伯伐翼殺孝侯晉

人立其弟鄂侯^{二世}六年莊伯伐翼鄂侯奔隨王命

虢公伐曲沃而立虢侯之子光是為哀侯^{三世}元年

翼入復逆鄂侯而納諸鄂二年莊伯卒子稱立是
為武公九年武公伐翼遂翼侯于汾隰夜獲之晉
人立哀侯之子是為小子侯世四四年武公殺之明
年遂滅翼王命虢仲立哀侯之弟緡世五二十八年
武公又殺之自孝侯至是大亂五世矣

無衣

唐九

武公請命于天子 異

傳○一章春官司服注鷩冕七章一華蟲二火三宗
彝畫於衣一藻二粉米三黼四黻繡於裳鷩卑列

反○車旗衣服謂繫纓之就屬車之乘旗之旂服之章皆以七為節繁蒲官反屬之欲反旂力求反○釐與僖同○詩緝武公有無王之心而後動於惡篡弑大惡王法所不容彼其請命豈真知有王哉正以人心所不與非假王靈則不能定也王不命焉而請之非禮也不聞朝王而請命于使尤非禮也聖人不刪者所以著世變之窮而復周之衰也○詩記以史記左傳考之平王二十六年晉昭

侯封成師於曲沃專封而王不問一失也三十二
年潘父弑昭侯欲納成師而王又不問二失也四
十七年曲沃莊伯弑孝侯而王又不問三失也桓
王二年莊伯攻晉王非特不能討曲沃反使尹氏
武氏助之及曲沃叛王王尚能命虢伐曲沃立晉
哀侯使其初出於正豈止於此乎四失也十五年
武公弑晉小子侯明年猶能命虢仲立緡於晉又
明年猶能命虢仲率諸侯伐曲沃至是武公篡晉

僖王反受賂命之五失也以此五失觀之則禮樂
征伐移於諸侯降於大夫竊於陪臣所由來者漸
矣○幾居衣反

有林之杜

唐

君子好賢異

傳○一章疏道路男子由右女子由左言左右據南
嚮西嚮為正在陰為右在陽為左 二章疏言道
之周遶之故為曲也

葛生

唐

十

婦人思其夫

經○一章葛見周南葛覃楚見周南漢廣傳

傳○一章疏斂之子正黑如燕莫不可食幽州名烏
眼其莖葉煮以哺牛除熱渴莫於六反

序○程子此詩思存者非悼亡者序誤

采苓

唐十

戒聽讒

經○一章苓見邶簡兮傳○卒章葑見邶谷風

傳○箋采此苓於首陽山之上山上信有苓矣今之
采者未必於此山然而人必信之喻事有似而非

者此比說也本義采苓者積少以成多如讒言積漸以成惑其首陽蓋興所見也此興說也○本義聞人之言且勿聽信置之且亦勿以為然○疏首陽山在河東蒲坂縣南今案首山即雷首山首陽乃雷首山之南地理攷異伯夷墓在永樂縣南三十五里雷首山南永樂即蒲坂縣也○箋苟且也傳姑舍置之姑即其義○二章疏苦菜荼也見邶谷風

唐詩譜

案唐叔虞十一世至昭侯封成師于曲沃七年
滿父弒昭侯子孝侯平立十五年曲沃莊伯弒
孝侯子鄂侯郤立六年卒子哀侯光立九年曲
沃武公虜哀侯子小子侯立四年武公弒之天
子立哀侯弟緡為晉侯二十八年曲沃武公滅
晉自昭侯至侯緡六世六十九年○成師是為
曲沃桓叔卒子莊伯鱣立卒子武公稱立三十

七年滅晉二年而卒子獻公侂諸立自昭侯至
武公共七十一年唐詩十二篇可譜者四疑者
二其半不可知也

揚之水

椒聊

右昭二詩

鵲羽


右在晉沃爭亂五世之間

無衣

右武一詩

葛生 采苓

右二詩疑在獻世



詩集傳名物鈔卷三